

**Zeitschrift:** Annalas da la Societad Retorumantscha

**Herausgeber:** Societad Retorumantscha

**Band:** 97 (1984)

**Artikel:** Il Seminari da mussadras dalla Ligia Romontscha siara sias portas : rapport dil president dil Cussegl da scola a caschun dalla surdada dil seminari al cantun

**Autor:** Battaglia, Luzi

**DOI:** <https://doi.org/10.5169/seals-234918>

### Nutzungsbedingungen

Die ETH-Bibliothek ist die Anbieterin der digitalisierten Zeitschriften auf E-Periodica. Sie besitzt keine Urheberrechte an den Zeitschriften und ist nicht verantwortlich für deren Inhalte. Die Rechte liegen in der Regel bei den Herausgebern beziehungsweise den externen Rechteinhabern. Das Veröffentlichen von Bildern in Print- und Online-Publikationen sowie auf Social Media-Kanälen oder Webseiten ist nur mit vorheriger Genehmigung der Rechteinhaber erlaubt. [Mehr erfahren](#)

### Conditions d'utilisation

L'ETH Library est le fournisseur des revues numérisées. Elle ne détient aucun droit d'auteur sur les revues et n'est pas responsable de leur contenu. En règle générale, les droits sont détenus par les éditeurs ou les détenteurs de droits externes. La reproduction d'images dans des publications imprimées ou en ligne ainsi que sur des canaux de médias sociaux ou des sites web n'est autorisée qu'avec l'accord préalable des détenteurs des droits. [En savoir plus](#)

### Terms of use

The ETH Library is the provider of the digitised journals. It does not own any copyrights to the journals and is not responsible for their content. The rights usually lie with the publishers or the external rights holders. Publishing images in print and online publications, as well as on social media channels or websites, is only permitted with the prior consent of the rights holders. [Find out more](#)

**Download PDF:** 22.08.2025

**ETH-Bibliothek Zürich, E-Periodica, <https://www.e-periodica.ch>**

vitad en il temp liber da bleras persunas. La laver pratica cun las persunas che vivan en ina regiun e la laver cun il linguatg è la pli gronda speranza per in avegnir er en nossas regiuns.

Favrer 1984

Gian Gianotti

## Il Seminari da mussadras dalla Ligia Romontscha siara sias portas

Rapport dil president dil Cussegl da scola a caschun dalla  
surdada dil seminari al cantun

Cara raspada romontscha.

Il gi dad oz munta bein in mument historic el moviment dalla Ligia Romontscha. Il Seminari da mussadras siara sias portas en casa dalla LR ed arva sias portas sin l'entschatta dil niev onn da scola en la nova Scola grischuna da dunnas.

Sche jeu duei empruar da descriver ils sentiments dils responsabels, purtaders e promoturs dil Seminari che siara oz las portas sche san ins bein gir che quels sentiments seigien ambivalents. D'ina vart essan nus fetg engrazieivels da vegnir scargai d'ina gronda responsabladad ch'ha meinsgart survargau nossas pusseivladads schibein organisatoricas sco finanzialas. Da l'autra vart eis ei aschia ch'ins resenta in sentiment che lai dar naven nuidis enzatgei ch'ins ha baghegiau si cun grond quitau e bia idealissem.

Lubi a mi da clamar en memoria ussa in per caussas dil svilup da nies Seminari tochen sil gi dad oz. Secapescha sai jeu mo strihar en quei connex las pli impurtontas staziuns senza saver entrar sin gronds detagls. Jeu astgel sefundar cun quellas regurdientschas en emprema lingia sin las enconuschientschas d'in um ch'ei staus ligiaus en ina fuorma ni l'autra si'entira veta era cul moviment da nies Seminari. Quei ei numnadamein nies commember dil Cussegl da scola e scolast da romontsch al Semi-nari – signur Toni Halter.

Il moviment per las scolettes romontschas ha entschiet avon biebein 40 onns en Tumliasca e va anavos sin l'iniziativa da prof. Gangale. Era sch'igl ei semussau ch'il bien docter Gangale ha mess en moviment caus-

sas ch'ins sto gir oz ch'ellas hagien menau en vias tschoccas – ses merets per ils fatgs da scoletta restan indiscretabels. En vesta dalla situaziun precara dil romontsch en Tumliasca ha Gangale mess a strada las empremas scolettas. Las scolettas han naturalmein era duvrau mussadras. Las empremas mussadras ein vegnidas instruidas da prof. Gangale sez. Pli tard ha la LR lu elegiu ina cumissiun pils fatgs da scoletta. Quella cumissiun ha priu il conclus da menar atras in cuors d'instrucziun da quater jamnas. Quei emprem cuors ei vegnius preparaus da Curo Mani, Andri Peer e Gion Peder Thöni ed ei vegnius menaus atras dils 2 tochen ils 27 d'uost a Trin.

Ni il marcau da Ruma, ni la vischnaunca da Sched, nua che jeu sundel carschius si, ein vegni baghegiai en in gi. Aschia ha ei era duvrau siu temps tochen ch'il Seminari ha giu contonschiu il scalem dad oz. Ins ha stuiu far pass per pass, savens sut suadetsch e mintgaton cul sentiment che las combas seigien memia cuortas pils pass ch'ins leva far.

Duront plirs onns eis ei stau aschia che las mussadras che vevan frequentau in cuors d'introducziun vegnevan accumpignadas d'ina cussegliadra che mava d'ina scoletta a l'autra. L'emprema instructura e surveillance en plazza cumpleina dalla LR ei stada la giuvna Lidia Rupp da Trin ch'ei entreda en plazza sigl atun 1954. La davosa collaboratura dalla LR en quella retscha che ha menau igl institut da scolaziun en qualitat d'ina inspectura ei stada la giuvna Angelina Secchi.

Igl onn 1971 ha la LR scaffiu in organ separau per las damondas dalla scolaziun dallas mussadras. Da quei emprem Cussegl da scola han fatg part: Theo Candinas sco president, lu dunna Marietta Bearth da Casti, dunna dr. Fortunata Ramming da Schlarigna, Toni Halter da Vella e ser Leo Reinalter dad Andeer. Cugl intent da saver porscher allas mattas ina megliera preparaziun per la greva e biala clamada da mussadra ha il Cussegl da scola dalla LR suttamess alla LR il project per in seminari stabel. La situaziun precara da finanzas sco era auters problems han buca lubiu da far tut quei ch'ins vess giu bugen. Ins ha stuiu secuntentar cun in seminari dad in onn. Ils 2 da november 1971 ha igl emprem cuors d'in onn saviu entscheiver cun otg scolaras. La scola ei vegnida menada cun internat da sora Florentina Camartin. Cun curascha ed inschign ha sora Florentina pigliau a mauns sia laver. Sut sia direcziun ha igl emprem il program da scola lu beinprest saviu vegnir slargaus sin dus onns, aschia che nies Seminari ei vegnius renconuschius sin plaun svizzer ed era recepius ell'Uniun svizra da seminaris da mussadras. La demissiun da sora Florentina suenter quater onns ha caschunau gronds quitaus. Il Cussegl da

scola ha lu anflau en la persuna da dunna Ursi Nigg-Jemmi ina nova sligaziun. Dunna Nigg ei vegnida engaschada igl emprem sco scolasta da metodica ed ei lu vegnida preparada cun grond sustegn oravontut dil president dil Cussegl da scola, Theo Candinas, era sil pensum da directura. Senza il grond engaschament da Theo Candinas havess il Seminari fatg atras vess quei grev temps da midadas. Sias prestaziuns e siu engaschament persunal meretan en mintga cass ina menziun speciala, era sch'el ha lu bandunau nies Seminari ed il Cussegl da scola senza gir adia.

Igl onn 1980 seretrai dunna Ursi Nigg sco directura suenter haver fatg siu pusseivel pil Seminari duront treis onns. Ella vegn remplazzada da dunna Margritta Wagner-Fryberg. Culla decisiun d'entscheiver sigl atun 1981 cun in cuors da scola da treis onns, cullas preparaziuns d'in niev plan d'instrucziun e cugl entir menaschi dil Seminari ei il carr da lavur da dunna Margritta vegnius cargoaus sur mesiras. Mo culla nunstuncleentevla buna veglia ed enorma energia da dunna Margritta havein nus saviu tener atras quei grev temps e la greva lavur. Ensemes cun la directura ha il Cussegl da scola giu da francar ils postulats specifics pil niev Seminari en la scola da dunnas. Cun quels postulats havein nus empruau da gir al Cantun ch'era il niev Seminari ella scola da dunnas stoppi far tut il pusseivel per restar in seminari romontsch, pertgei mo aschia sa el ademplir sia funcziun spezifica era pil manteniment da nies romontsch en las scolettes. Nus havein era exprimiu il giavisch da risguardar ton sco pusseivel ils scolasts che nus havein giu tochen ussa. Nus havein grond plascher ch'il Cantun ha legiu dunna Margritta era sco directura alla partizun romontscha dil niev Seminari ed essan perschuadi ch'ella vegn a far tut il pusseivel per nossa caussa.

L'incumbensa ch'il Cantun ha ussa d'ademplir els proxims onns e deccennis vegn buca ad esser meins hanada che quella dils fundaturs dil Seminari dalla LR. Nus giavischein als novs responsabels ch'els emprovien da sligar lur problems cul medem fiug e cun la medema perseveronza sco ils fundaturs. Nus essan fetg engrazieivels ch'il Cantun levgescha nus d'ina gronda responsabludad e giavischein al niev Seminari tut il bien.

Sursigliend tiarms e datums vuless jeu per finir aunc engraziar a tuts ch'ein stai participai en ina fuorma ni l'autra per tut quei ch'els han prestau pil Seminari dalla LR. Ina gronda part dalla lavur ei succedida el zuppau aschia che biars ein buca pertscharts da quei ch'ei vegniu prestau – igl ei denton ina prestaziun admirabla.

Pil Cussegl da scola dalla LR: *Luzi Battaglia*